



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
SAVJET ZA LOKALNI EKONOMSKI RAZVOJ (SLER)

Datum: 15.09.2014. godine

ZAPISNIK

SA 1. KONSTITUIRAJUĆE SJEDNICE

SAVJETA ZA LOKALNI EKONOMSKI RAZVOJ (SLER), OPĆINE TEŠANJ
ODRŽANE DANA 13.09.2014. GODINE (SUBOTA), S POČETKOM U 10,00 SATI,
U SALI OPĆINSKOG VIJEĆA TEŠANJ

Na sjednici prisutno 14 članova Savjeta za lokalni ekonomski razvoj: direktor Zavoda za zapošljavanje (Muharem Berberović), direktor Mješovite srednje škole (Muharem Saračević), direktor TRA (Ismar Alagić), direktori firmi Alpina bromy (Suad Roša), Mann+Hummel BA (Mahmut Galijašević), AS (Rusmir Hrvić), HIFA OIL (Venan Hadžiselimović), NORD ENT (Nazif Hamzić), Askom (Ibrahim Krdžalić), KP RAD (Mirsad Šaranović), predsjednik udruženja privrednika "Biznis centar" Jelah-Tešanj (Mensur Krdžalić), predsjedavajući Općinskog vijeća Fuad Šišić, pomoćnik Općinskog načelnika Hamzalija Hojkurić i Općinski načelnik Suad Huskić.

Odsutna: Predsjednica Udruženja žena poljoprivrednica usorsko-tešanjškog kraja (najavila odsustvo).

GOSTI: Predstavnica GIZ-a g-đa Mirjana Stanković i predstavnik GOLD-a g-din Jasmin Adilović.

SREDSTVA JAVNOG INFORMISANJA: Predstavnici TV «Smart».
Tonski zapis i zapisnik vodi Sajda Klepić.

Sjednicu vodi Općinski načelnik Suad Huskić, predsjednik SLER-a.

Predsjednik SLER-a je konstatovao da današnjoj sjednici prisustvuje 14 članova Savjeta, otvorio 1. konstituirajuću sjednicu SLER-a, te pozdravio sve prisutne.
U uvodnom dijelu sjednice je napomenuo da je Općinsko vijeće Tešanj donijelo Odluku o javno-privatnom dijalogu kojom se pruža institucionalna podrška javno-privatnom dijalogu, određuju uslovi za formiranje radnog tijela koje je sastavljeno od predstavnika javnog, privatnog i civilnog sektora, određuje se cilj za aktivno sudjelovanje svih aktera u javno-privatnom dijalogu, razvoju zajednice u cjelini i kreiranju povoljnog poslovnog okruženja. Da je doneseno Rješenje o imenovanju Savjeta za lokalni ekonomski razvoj kojim je imenovano 15 članova – koji su imenovani kao predstavnici relevantnih institucija po funkciji (ne po imenima). Prema Rješenju određeni su zadaci i šta se očekuje od Savjeta da: donosi poslovnik o radu, usvaja godišnji plan za provođenje javno-privatnog dijaloga, osigurava kontinuitet rada na javno-privatnom dijalogu, predlaže mjere za razvoj zajednice i unapređenje općinske poslovne klime, predlaže inicijative koje se tiču viših nivoa vlasti...

U uvodnoj diskusiji su učestvovali: g-din Ismar Alagić, g-din Mensur Krdžalić, g-din Fuad Šišić, g-đa Mirjana Stanković.

Predsjednika SLER-a je predložio da treća tačka dnevnog reda u prijedlogu Usvajanje poslovnika o radu SLER-a bude prva tačka.

Nakon toga, **Savjet za lokalni ekonomski razvoj je jednoglasno usvojio sljedeći**

DNEVNI RED

1. Usvajanje Poslovnika o radu SLER-a
2. Izbor podpredsjednika SLER-a
3. Usaglašavanje i usvajanje prijedloga plana rada SLER-a do kraja 2014.godine,
4. Prijedlozi i diskusije na inicijative članova SLER-a

Ad. 1

Predsjednik SLER-a g-din Suad Huskić je iznio dodatno obrazloženje prijedloga Poslovnika o radu SLER-a, ističući da sjednice SLER-a saziva predsjednik na vlastitu inicijativu s tim da se moraju sazvati četiri sjednice godišnje, da su u članu 5. objašnjeni motivi, da je za održavanje sastanaka potrebno 10 članova, da je predviđeno i to da ako neko nije u mogućnosti da dođe na sastanak može poslati zamjenu, da mandat članova traje dvije godine.

U raspravi učestvovao g-din Alagić Ismar.

Savjet za lokalni ekonomski razvoj je jednoglasno usvojio sljedeći

ZAKLJUČAK

Usvaja se Poslovnik o radu SLER-a.

Ad.2

Predsjednik SLER-a je konstatovao da je donošenjem Rješenja o imenovanju smatrao da bi on trebao preuzeti odgovornost kao predsjednik, a da je danas potrebno izabrati podpredsjednika iz reda privatnog sektora.

U raspravi po ovoj tački dnevnog reda učestvovali su: g-din Fuad Šišić, g-din Ismar Alagić i g-din Mensur Krdžalić.

G-din Fuda Šišić i g-din Ismar Alagić su predložili da se za podpredsjednika imenuje predsjednik Udruženja privrednika g-din Mensur Krdžalić.

Nakon toga, **SLER je jednoglasno donio sljedeći**

ZAKLJUČAK

Za podpredsjednika SLER-a imenuje se predsjednik Udruženja privrednika "Biznis-centar" Jelah-Tešanj Mensur Krdžalić.

Ad.3

Predsjednik SLER-a je u obrazloženju ove tačke napomenuo da je pripremljen Naert plana rada, te predložio da se do kraja godine održe još dvije sjednice, naredna do 31.10., nakon usvajanja zapisnika, predstavljanje politike i procedure SLER-a, predstavljanje inicijative BEAR područje poslovne izvrsnosti Teslić, Tešanj, Žepče, prijedlozi i inicijative članova SLER-a. Na drugoj sjednici da bude predstavljena Informacija o investiranju u poslovnu infrastrukturu u 2014.godini, predstavljanje projekta GOLD, prijedlozi i inicijative članova i usvajanje plana rada za 2015.godinu.

U raspravi po ovoj tački dnevnog reda učestvovao g-din Fuad Šišić, g-da Mirjana Stanković, g-din Mensur Krdžalić, g-din Ismar Alagić.

G-din Fuad Šišić je predložio da se u Plan rada doda razmatranje Prostornog plana Općine Tešanj, i da izbace tačke razno.

Savjet za lokalni ekonomski razvoj je jednoglasno usvojio sljedeći

ZAKLJUČAK

Usvaja se prijedlog Plana rada SLER-a do kraja 2014.godine, uz zaduženje tehničkog sekretarijata SLER-a da dopuni plan rada prijedlozima/inicijativama iz rasprave.

Ad.4

U raspravi po ovoj tački dnevnog reda učestvovali su: g-din Berberović Muharem, g-din Mahmut Galijašević, g-din Venan Hadžiselimović, g-din Muharem Saračević, g-din Nazif Hamzić, g-din Rusmir Hrvić, g-din Ibrahim Krdžalić, g-din Ismar Alagić.

G-din Berberović Muharem je naveo sljedeće probleme u oblasti zapošljavanja:

1. Opterećenost privrede visokim porezima te doprinosima na plaće radnika, što sputava ulaganja u razvoj i prijem novih radnika.
2. Nedovoljna budžetska sredstva koja se izdvajaju za programe i aktivne mjere suzbijanja nezaposlenosti u BiH na svim nivoima vlasti.
3. Obrazovni sistem nije uskladen s potrebama privrede zbog čega se stvara suficit nepotrebnih i deficit privredni potrebnih kadrova.
4. Neosposobljenost kadrova za poslove za koje se školuju, koji izadu iz formalnog obrazovnog sistema, zbog nedostatka praktične nastave u toku obrazovnog procesa što pravi ozbiljan problem i dodatne troškove obuke svakom potencijalnom investitoru.
5. Komplikovane procedure osnivanja firmi u BiH, kao administrativne zapreke.

Predsjednik SLER-a je konstatovao da se mora vidjeti koji je to konkretni prijedlog.

G-din Mahmut Galijašević je predložio da se podrže firme dobavljači/podizvođači u Tešnju da dobiju standarde kvaliteta (konkretno ISO 9001) kako bi se podigla konkurentnost privrede.

- 1. Prijedlog za unapređenje konkrentnosti lokalnih dobavljača kroz podršku uvođenja međunarodnih standarda kvaliteta.**

Predsjednik SLER-a predložio da se u narednom periodu napravi analiza zainteresovanosti lokalnih firmi za uvođenja potrebnih standarda kvaliteta bilo putem javnog poziva ili direktnim kontaktom s firmama koje imaju potrebu za tim standardima, te procijeniti da li treba inicijativu uputiti dalje.

G-din Alagić je napomenuo da postoji QMS projekat koji finansira Delegacija EU, a koji ima za cilj da postakne i sufinansira uvođenje standarda ISO 9001 BiH firmi.

Savjet za lokalni ekonomski razvoj je jednoglasno usvojio sljedeći

ZAKLJUČAK

Zadužuje se Agencija za razvoj da napravi pregled dostupnih podrški za uvođenje standarda kvalitete i da ispita zainteresovanost lokalnih firmi za uvođenje potrebnih standarda kvaliteta.

- 2. Prijedlog inicijative za povezivanje privrede sa obrazovnim sektorom**
– usklađenost obrazovanja sa potrebnom radnom snagom.
(Prijedlog g-dina Muharema Saračevića).

G-din Nazif Hamzić je predložio izmjenu reforme školskog-obrazovnog programa – više prakse i kvalitetnije obuke da učenici koji završe školu mogu brzo savladati tehnike potrebne u proizvodnji.

G-din Ibrahim Krdžalić je predložio da u školama djeca uče njemački jezik, da njegova firma podržava Njemačku firmu i da je trenutno aktuelno njemačko tržište. Dalje je predložio da se u dogovoru sa g-dinom Saračevićem školuje 10 ljudi, jer je poftabilnija firma koja ima stručne ljude.
(Prijedlog g-dina Muharema Saračevića).

Savjet za lokalni ekonomski razvoj je jednoglasno usvojio sljedeći

ZAKLJUČAK

Za jednu od narednih sjednica izraditi analizu stanja u srednjem stručnom obrazovnom sistemu i sektoru privrede. Otvoriti pitanje usklađenosti potreba na tržištu radne snage sa programima stručnog obrazovanja : plan upisa učenika, kvalitet stečenog znanja, potrebe na tržištu radne snage, stanje na birou za zapošljavanje prema stuci. Analize predstaviti SLER-u koji će iznijeti prijedloge i inicijative u periodu do mjeseca marta 2015. godine.

- 3. Prijedlog da se rad SLER-a proširi i na sektorsku saradnju, da se formiraju sektorske grupe koje bi radile na realizaciji i predlaganju inicijativa u tom sektoru koje će se staviti na analize.**
(Prijedlog g-din Venana Hadžiselimovića)

Predsjednik SLER-a je predložio da se sektorske grupe formiraju prema potrebama, što se tiče saradnje smatra da istu treba ojačati. Da do kraja godine analiziraju jedan određeni sektor – da se upoznaju o radu SLER-a, kako mogu uputiti inicijativu.

G-din Venan je predložio da idu dva sektora koja se predlože.

G-din Alagić je upoznao prisutne da se privedi kraju Analiza konkurentnosti u dva prioriteta sektora lokalne privrede iz kojih će proisteći smjernice za buduće intervencije u navedenim sektorima sa ciljem podizanja konkurentnosti. Na jednoj od narednih sjednica SLER-a mogu se prezentovati rezultati Analiza, iako je napomenuo da je odziv domaćih firmi na prezentacije bio ispod očekivanog nivoa interesovanja.

Savjet za lokalni ekonomski razvoj je jednoglasno usvojio sljedeći

ZAKLJUČAK

Direktor TRA Agencije će na jednoj od narednih sjednica SLER-a predstaviti nalaze analiza u metaloprerađivačkom i prehrambenom sektoru, a nakon usvojenih zaključaka analiza dati prijedlog za izradu analiza u drugim sektorima za koje se SLER odluči.

4. Prijedlog pružanja podrške poljoprivrednoj proizvodnji posebno proizvodnji kultura koje su visoko tražene na tržištu.

(Prijedlog g-dina Rusmira Ilrića)

Predsjednik SLER-a predložio je da se održi sastanak sa predstavnicima prehrambenih sektora, da se ispita efekat postojanja i potreba. Inicijativu usmjeriti na adresu Općina – TRA za kontakt sa prehrambenim sektorom.

5. Prijedlog g-dina Ibrahima Krdžalića – unapređenje turizma kroz uređenje Gradine sa izgradnjom kosog lifta, unapređenje putne komunikacije i uvođenje autobuske linije Tešanj-Teslić-Kardijal.

Predsjednik SLER-a predložio da se ovi prijedlozi razmotre interno unutar Općine i ponude moguća rješenja.

6. Prijedlog inicijative g-dina Ibrahima Krdžalića za reklamiranje turističkih lokacija, privrednih zona i subjekata, i drugih značajnih lokacija Općine Tešanj na Google Maps. Predsjednik SLER-a predložio da se prijedlog iskoordinira i riješi unutar nadležne općinske službe.

G-din Ibrahim Krdžalić je kazao da ne koristimo prednosti, da je Tešanj slabo zastupljen u pretragama te da je potrebno kreiranje google mapa na kojoj bi se označili privredni sektori i turistička mjesta. Predložio da se uključi jedan praktikant da to uredi.

7. Prijedlog od g-dina Ibrahima Krdžalića da se uputi inicijative promjene naziva Zeničko-dobojskog kantona u Tešanjско-Visočki kanton nije bio podržan i nije uzet u razmatranje.

8. Održavanje seminara za privrednike na temu IPA i drugih dostupnih fondova.
(Prijedlog g-dina Muharema Berberovića i g-dina Mahmuta Galijaševića).

Predsjednik SLER-a je predložio da TRA privrednicima predstavi sve modele Fondova koji su u vezi sa privredom.

G-đa Mirjana je predložila sa se iz GIZ-a pozovu dvije stručne osobe.

Savjet za lokalni ekonomski razvoj je jednoglasno usvojio sljedeći

ZAKLJUČAK

Da TRA kordinira sa GIZ-om i dogovori održavanje seminara za privrednike na temu IPA i drugih dostupnih fondova.

G-din Mensur Krdžalić je predložio da se SLER informiše o investicijskim kretanjima i posjetama investitora.


Predsjednik SLER-a je odgovorio da će o tome usmeno izvijesti Savjet na idućoj sjednici u okviru već usvojenog plana rada.

Nakon toga predsjednik SLER-a g-din Suad Huskić se svima zahvalio na prisustvovanju današnjoj sjednici i zaključio rad 1. konstituirajuće sjednice SLER-a u 12,00 sati.

ZAPISNIČAR:
Sajda Klepić



PREDSJEDNIK SLER-A



Mr.sc. Suad Huskić, profesor